

四庫全書

集部

欽定四庫全書

集部

明詩綜卷

六十九
七十

詳校官中書_臣涂日煥

主事銜_臣徐以坤覆勘

總校官降調編修

_臣倉聖脉

校對官庶吉士

_臣潘曾起

謄錄監生

_臣楊恪

欽定四庫全書

明詩綜卷六十九

翰林院檢討朱彝尊編

林世璧 二首

世璧字天瑞閩縣人有彤雲集

靜志居詩話天瑞為龔祭酒用卿女壻嘗從婦
翁游鼓山分韻賦詩時天瑞已醉詩成題壁有
眼中滄海小永上白雲多之句坐客皆歎以為
不及徐惟和詩云閒尋老衲叩禪堂墨跡淋漓
滿上方一自題詩人去後白雲滄海兩茫茫蓋
為天瑞作也覽彤雲集終卷才雖敏而調實庸

月

玉露晴初墜天河迴欲流誰憐今夜月還似去年秋影
逐寒雲起光緣暮杵留關山千萬里偏照漢家樓

早冬寄懷

嬾慢陶元亮經年獨掩扉不知秋色改但見菊花稀落
葉階前度寒禽樹上歸停雲那可賦徒爾壯心飛

汪禮約

禮約字長文更字士垓鄞人太學生

采藥行贈族子銘孺

朝出斲苓暮采薇
白日忽落蒼烟飛
倚鋤歸來倚深竹
落花清露香人衣
我家阿咸頗解事
提籠遠自江城至
肘後三千禁架方
囊中數卷軒轅記
眼前孺子總紛紛
少年提領爭如君
何當共爾尋仙去
采藥天台卧白雲

寄懷

朝雲不散暮雲流
溪上茆堂水竹幽
忽見斜陽滿高樹
亂蟬風葉似深秋

東漢一首

漢字希節華州人

無題

嫁來依舅姑不省堂前路自君去桐廬夢熟橫江渡

姚和鼎一首

和鼎字長公長洲人

懷胡孝廉謁選

偃蹇慚予拙飛騰羨爾行春風燕市酒夜雨闔閭城吏

隱懷方朔貧居笑馬卿相思有尺素愁殺雁歸聲

許賓 一首

賓字觀父休寧人

入新安界

十日疲行役雲山接大鄣馬啼知故道人語別殊方過
雨防沙溜臨溪問石梁羅含家已近蘭草徧池塘

胡一桂 一首

一桂字百藥鄞人

吳興九里石塘卽事

路出桑陰盡澄湖野望賒菱歌依岸柳舟影入蘆花烟
起迷邨白雲移見日斜異鄉風景在羈客倍思家

汪廷訥 一首

廷訥字無如休寧人有環翠堂集

詩話無如耽情詩賦兼愛填詞結環翠亭酒讌
琴歌與湯養仍王伯穀諸人游興酣聯句嘗集
唐人詩云狎鳥無機任往來一川晴色鏡中開
竹間駐馬題詩去松下殘碁送客回綠樹碧檐
相掩映落花飛蝶共徘徊物情多與閒相稱
莫惜芳時醉酒杯梨百家衣可云無縫者已

夏日池上

水靜追涼便林繁得暑遲采蓮木蘭擢佐酒竹枝詞藻
綠魚游處蘋香鳥下時不須遠歸去新月已如眉

邵正魁

三首

正魁字長孺休寧人國子監生有梁園燕臺二
集

白雲湖泛舟

堤畔連青草湖中多白雲扁舟一以泛之子得同羣卷

幔雨初歇看山日欲曛芙蓉未堪把心已愛清芬

過仲開江上居

以我不如意憐君江上邨有田能種黍好客足開尊山
色青當戶潮痕白到門涼生五柳樹晤語謝塵喧

觀太學石鼓

十鼓千秋石橋門列儼然功應昭羽獵世得紀成宣想
像于岐日寧論入洛年法書存斷畫大雅在殘篇色起
雲霞絢光爭日月懸依櫺星自聚照水壁猶聯呵護諸

生重臨摹博士專長同夔樂典豈羨漢經傳後作知難
及他山可罷鑄子雲徒曉事白首獻甘泉

朱應龍 一首

應龍字舜夔一字近臣鄞人有東籬樂府

詩話東籬與沈明臣葉太叔盧澐齊名號明州
四傑來月飲海上大醉溺死其短歌行云皎皎
月明駕言宵征唯君之故不
違自寧說者以為近於識也

懊儂歌

白舫張青帆載儂歡子去風生柳樹間飄揚落何處

盛以約 一首

以約字孟將一字彥修國子監生

喜雨

好雨終朝徧蓬門野興繁憫農勞苦日植杖桔槔園急
擢衝萍葉深池浸竹根怪來雙屐健散步上南原

張三極 一首

三極臨清人

雨後過王明府公署

豈謂金門客能兼大隱名庭空歌鳥下吏散酒人迎綠
水新添砌青山半入城還將江上楫聊為采真行

汪元英

四首

元英字大吕休寧人有栩栩軒橐

感述

鷓鴣巢一枝鼪鼠飲滿腹林深河且廣曷不逞所欲柱
下有遺言所貴知止足疏氏二大夫解組辭榮祿今此
富貴人其欲何逐逐焉知欹器水一滿定傾覆

商山秋日對雨懷永叔仲升

秋雨何曾歇秋深倍寂寥
折荷偏淅淅落木更蕭蕭
雲黑多迷徑溪寒半斷橋
商山苦幽阻綺角竟難招

有客

有客沉冥久何心自解嘲
病遭毛穎役貧絕孔方交
歲月甘蓼丘園任繫匏
不如將子燕華屋託新巢

秋日歸自溪上

清溪一曲石橋橫
十里籃輿溪上行
水邊沙明看不足

西風兩岸盡秋聲

汪元范

九首

元范字明生休寧人有借研齋草

得吳胙虞書

宿昔與君別乃在江之陽玄陰蔽光景草木日萎黃牀
下蟋蟀鳴野外鴻鴈翔居肆休百工我獨違故鄉跋涉
千里塗空念川無梁有鳥東南飛毛羽何輝光口銜尺
素書戢翼向我旁感君懷好音令我心難忘開械再三

歎意快神自揚
離居無幾時
所惜道悠長
此身非雙鳧
安能日頽頽

張恭父畫柳行

近代何人能畫柳
東吳張生稱國手
沈周陸治不復作
藝苑聲名生獨有
是時燕京風日妍
生也拈筆當牕前
墨花片片落縑素
千樹萬樹含春烟
柔條牽地颺輕縷
密葉隱天帶疎雨
耳畔疑聞黃鳥聲
宛然坐我江潭潁
對君此畫融心神
頓令價比連城珍
不須更寫河橋色

落日蒼茫愁殺人

泊丹陽

晚次丹陽道舟停赤岸林雲容垂嶺薄秋氣入江深落
葉隨寒雨棲鳥噪暮陰風帆無定泊行子若為心

自慎陽抵申州塗中作

冉冉悲徂景棲棲怯問津雲蒸秋變熟野晦晝飛塵壤
俗遙同楚川塗漸入申迷方知計拙幽意竟誰陳

感事呈劉思徵

宮殿苗尋弭珍奇斂益頻采珠疲百粵織罽困三秦貢
入天威霽繇興國命貧聖心元澹泊蠱媚自宵人

同楊邠州仲啟登太王城

墉堞基猶在臺隍客自過斷雲低阻嶺峻峽束涇河冰
納陵陰少民居土穴多遺風勤稼穡千載感豳歌

宿南峰

向晚躋雲嶽峰巔特室荒袖堪揮北斗夢得謁西皇石
馬嘶中夜山燈見上方鈞天聽未畢海日出扶桑

寄邢子愿三十韻

自作西京客深嗟阻舊游涼風生遠道景色入清秋董
澤蒲先脆樊川菊正稠潦收鴈警露霜落鴈環洲積氣
垌邊合寒烟木末流夷猶頻出郭蕭瑟一登樓轉切懷
人思寧銷去國憂眼穿臨渭汭神越繞齊州憶過坊城
畔尋君泚水頭授餐存繾綣下榻媿淹留蓬徑要真隱
瓜畦學故侯避喧歌阜帽抗世擁羊裘側目羣公忌修
容衆女讎扶搖矜鸚雀馳騁棄驂騑貝錦徒虛織華簪

信久抽雄心輸寸翰矯志傲崇丘
苑囿晴偏媚文章老更優歎成荆
國寶興狎岵湖鷗漫擬歸同趣翻
憐抱別愁栖栖應去魯碌碌似依
劉旅服凋廢縕行裝斷崩緱關門
繻用棄幸舍轄隨投促席傾宵雨
聯牀聽曉籌素交欣再接新好競
相求阮氏才皆俊岑家燕屢修未
辭漢陂叟直愛竹林幽卒歲慚多
累餘生實寡謀襟期良有待會面
渺無由契託他山石情懸剡曲舟
尺書題字滅欲致定沉浮

詢李惟寅太保

已就通侯第新辭上將壇不知門下士若箇是任安

程可中 三首

可中字仲權休寧人有汶上集

董次元云仲權詩肯題已爾不

挨別門蹊徑寫情已爾不共古人生活
陳伯璣云仲權詩駁駁出百穀景升之上

送章元禮吏部左遷羅定

謫籍名猶借君恩轉覺饒朱陵南紀盡丹闕北辰遙安
置憑荒裔明良願聖朝枕榔林樹外僕馬影蕭蕭

上谷

鈴閣西頭馬埒平紫騮牽過赤繁纓翻身誰中金錢的
嘶入垂楊一片聲

除夕太原府

鴈門南渡路千盤殘厯猶從馬上看白髮醉搔燈影下
錦箏搗殺不成騅

葉太叔 三首

太叔字鄭朗晚更名亭立改字介子鄞人有思

烟集藏山橐

沈嘉則云鄭朗詩醞釀初盛唐諸家而歸宿杜陵李杲堂云鄭朗

氣格高澹
轉造自然

詩話葉君嘉則
弟子別裁詩派

行路難

行路莫登高山中多猛虎行路莫乘舟水邊多伏弩我
是行路人惟知行路苦

小築

性本耽篇籍尤憐誦絕交先生號東郭小築近西郊花

霧侵衣袂茶烟亞竹梢坐行都自適好鳥語咬咬

曉晴

一月未曾乾一日雨聲昨夜喜初回高霞結海晨光滿
錦樹依山秋色開鳩厭舊巢將婦去鷗憐新水引雛來
清羸衰疾何時起獨抱漁竿坐石苔

吳紹奇

四首

紹奇字淑甫桐城人有撫松集

螢

忽向籬邊繞還從井畔飛
雨昏光不滅露重影猶微
伴讀來書舍窺眠入翠幃
黃花秋老後未識汝何歸

浦口

水市千門列江邨萬井通
馬嘶流水外人語夕陽中
雪浪高吹樹蒲帆軟趁風
故鄉天際遠雙目送飛鴻

編籬

負郭幽居僻編籬接短牆
種瓜看蔓引栽菊待花黃
犬吠驚殘月雞栖趁夕陽
貧家隨分事世外得清狂

同友人飲秦淮酒樓

秦淮水漲鱗魚肥
滿店楊花作絮飛
日暮西闌無箇事
波頭閒數畫船歸

嵇元夫

二首

元夫字長卿歸安人有白鶴園集

詩話長卿父編修世臣嘉靖辛丑分校禮闈高
文襄出其門長卿少年簡傲獲罪嘉興某推官
坐死文襄營救獲免招入都執其手語朝士曰
此天下才也及文襄去位乘牛車出國門次日
始有馳傳後命長卿之詩蓋紀其實也一時傳
誦謂陽關三疊河滿一聲無此淒楚比還里困

甚歲暮大雪李給事樂語家人曰此時嵇公子
必大困因載酒熾炭權舟從之見嵇方坐涯次
酌水相與劇飲而別
苦中傳為佳話云

立秋日盧溝送新鄭少師相公

單車去國路悠悠綠樹鳴蟬又早秋燕市傷心供帳薄
鳳城回首暮雲浮徒聞後騎宣乘傳不見羣公疏請留
三載布衣門下客送君垂淚過盧溝

刈稻夜歸

西莊刈稻夜半歸明月皎皎當柴扉
櫛聲隔岸人語近

斗柄插江霜氣微
木葉蕭蕭覆林屋
蘆花茫茫藏釣磯
兒童邨南酒家去
野夫獨立風吹木

吳璜 一首

璜字汝震鄞人

曉發金壇出黃堰
有懷箕仲田叔

山縣侵晨發舟行
何處邨宛然新水竹
疑是舊柴門急雨
來江口飛泉出樹根
無由尋二仲幽思共誰論

黃好信 一首

好信字仲孚揚州興化人有默齋詩集

春鴈

萬里湖南鴈春來又北飛亦知鄉土異不戀稻梁肥絕
塞心先到長河影漸稀玉門關外客應待問征衣

公

鼎
二首

鼎字

缺

蒙陰人侍郎鼎弟有小東園詩集

都城元宵曲

二首

蹀躞驂留氣正驕垂鞭嘶過玉河橋不知明月誰家怨

腸斷樓中弄玉簫

內園湯火漫相勻
種得紅梅放早春
莫向樽前吹玉笛
朝來愁殺賞花人

李桂一首

桂字缺番禺布衣

江上

鯉魚風起荻花秋
露壓蒹葭水不流
何處津亭夜吹笛
白雲明月總關愁

盛鳴世

六首

鳴世字太古鳳陽人國子監生有谷中集

詩話太古五言圓潤貼妥其源出於郎士元

沈水部官署

江水流何急歸心却似之已傷為客久轉恨別君時斷
鴈迷寒渚吟猿挂冷枝生涯兼物色何處不堪悲

贈隱者

只在高霞外無人識去蹤伴猿栖一室放鶴下孤峰丹

竈雲中火青天夜半鐘平生長往意相望不相從

送柯孝廉之巴東兼呈黃廣文

去問巴江水荆門更向西挂帆秋葉落上峽夜猿啼
舊侶傷飄泊新歡惜解攜湘潭憔悴地已恐旅魂迷

七月八日潞河舟中別長安諸子

天漢龍初返星橋鵲乍分隔河收片雨宿浦有殘雲
復作孤舟別兼悲一葉聞相看此時恨不獨在離羣

宿麻河

積雨湖田沒居人生事微白魚休市早烏鬼載船歸月
黑邨春盡林深岸火稀緯蕭眠不定中夜賦無衣

題岳陽酒家

巴陵壓酒洞庭春楚女當壚勸客頻莫上高樓望湖水
烟波二月已愁人

傳梅二首

梅字元鼎邢臺人有簡翁詩集

園居

金
夕
得
適
幽
軒
成
小
憇
峰
色
落
空
青
池
光
起
浮
翠
須
臾
暝
色
深
繁
星
看
欲
墜
新
月
下
疎
篁
微
風
動
檐
際
樂
此
坐
忘
言
悠
悠
更
忘
寐

汚池有懷

會盟壇下汚池流
草色連天蔽故丘
隴月只看懸太白
秦雲不解到幽州

汪應宿一首

應宿字南仲歙縣人

送王祠部僉憲貴陽

地入三苗盡山過蜀道難飛泉晴亦雨毒霧晝猶寒方
竹迷秦徑羶裘拜漢官西南民力竭君好慰凋殘

應 泉 一首

泉字仲鵠鄞人縣學生有楚游烏溪詩草

烏溪

寄我江湖流浪身烏溪山水故清真春田雨足騎秧馬
秋隴禽多縛草人睡起竹牕書一卷坐來莎石酒三巡

願如在巷顏夫子到處簞瓢不厭貧

李宗城 一首

宗城字汝藩盱眙人

送臧晉叔國博還吳興

宦自潘安拙才應宋玉偏還家千嶂雨挂席五湖烟以
我多愁日逢君失意年江干一尊酒寧不倍淒然

陳鳴陽 一首

鳴陽字

缺

南海人參政萬言子

閨情

露冷凌波步不前
流螢相撲自年年
妾身未似齊紈扇
不待秋來已棄捐

林國光 一首

國光字廷錫閩人

金陵尋舍弟聞先三日往蕪湖悵然賦此

春江雨漲綠平堤
岸柳青青拂水齊
日暮相思不相見
鵲鵲飛過野塘西

王之鼎 一首

之鼎字象玄江陰儒學生

贈友人卜居

高士移家處來尋路不迷鷄鳴深巷裏門掩斷橋西
招隱仍栽桂看山獨杖藜平生厭塵事今日遂幽棲

何璧 一首

璧字玉長福清人

詩話玉長任俠見知於黃改張濤張後開府遼東將疏薦以布衣拜大將會罷鎮乃止濤卒入

楚哭之遂以病死亦矜奇之士也寄友詩云士
到出山誰不賤術惟游世最難工足當阮生之
泣矣

西湖尋曹能始

垂楊漠漠苕田田何處春風十四絃放鶴僧歸三竺雨
聽鶯人過六橋烟詩尋蘿薜誰邊寺酒載桃花第幾船
游子天涯魂易斷非關春樹有啼鵑

汪樞二首

樞字伯機鄞人有存俟篇

詩話伯機世祿之家不樂仕進治別業口泡
園賦園居詩六十首閩人徐興公極稱之

懊懷曲

千金買妾身一旦遠行邁大舩如屋寬底事不相載

早秋刈穫述懷

杲杲朝日升垂垂水田熟
罍罍呼白雞泱泱飲黃犢
稍溽暑收灤灤露華沃庭戶
絕追呼春秋足魚菽卒歲
計所餘修我牆與屋男悅女
欣欣杯炙勞僮僕躬耕一
丘田飽食詎非福

戴景明 一首

景明字晉仲休寧人有團雲詩集

深秋山居

莓蘚深層岫松杉漾北淙清宵唯鶴唳盡日少人逢倚檻三秋老攤書萬事慵夜分魚鳥靜明月半東峰

沈瑞徵 三首

瑞徵字靈繹海寧學生有慧居遺集

尤展成云先生詩清

麗有則中多
漱楚之音

詩話先生五言如落木悲秋氣浮雲起夕陰雁
聲春半少寒色雨中多野夫迎人吠流鶯隔樹
聞雪鷗輕片片烟樹遠冥冥竹翠侵木濕峰陰
入戶涼高者近大厖十子下亦不失為四皇甫
也惜年未四十而沒遺詩一
卷孫翰林編修珩刊行之

杪秋同諸君游石井山

絕巘攀躋外蒼茫秋色殘雲山千里出烟樹萬家攢石
轉奔濤壯天空落日寒扶桑一矯首海氣正漫漫

錢清夜行

秋漲乘流好孤邨夜泊稀漁榔過橋遠螢火傍舟微堤

沒聞爭渡涼生欲授衣夢歸懷土切山水願多違

侯維垣 一首

維垣字師之儀真人國子監生

九日送友入九華

秋空削出青蓮花時吐白雲含紫霞九月九日九華去
此中可以鍊丹砂

江禹奠 六首

禹奠字其永休寧人僑居吳縣國子監生有玄

芝館詩集

王伯穀云山林臺閣各有體裁其永
作山林詩却無寒儉語張伯起云

其永詩有
軒爽之致

詩話其永與王伯穀共肄業於留都而詩名未
振然其五言清切如秋雨半沉閣夕陽已在山
落葉半庭月啼鳥滿屋霜寺出寒烟外山沉細
雨中雨洗松根石雲間屋後山山影隨帆轉溪
聲挾雨飛久有青山志因
歌白露詩頗類鵝池生

夜坐七松齋中懷睦州嚴徵君

茅齋結翠屏獨坐酒初醒殘月半牕白孤燈四壁青篋
中換鵝帖几上種魚經遙望投竿處寒雲隱客星

嚴陵城下

背郭千邨合中流一刹孤輕陰閣秋雨殘照落平蕪入
市魚鰕少歸舟雁鶩呼客囊任羞澀解珮問當壚

被放偶占

放歸吾嬾甚二月寄僧居無日不飲酒有時還著書泉
飛茶臼冷雲動竹牕虛徑僻少塵跡青苔久未除

東倉

信宿翠微上脩然絕世氛喬林含曉日清磬落層雲海

色當牕見泉聲入夜聞半生塵土夢俱向此中分

九日登山

東籬菊蕊半含黃酒伴何須定故鄉寄語柴桑陶處士
百年風物幾重陽

邨居即事寄天都李使君

日照雲林宿雨休一灣溪水入江流野人家住清溪上
坐對寒山兩岸秋

周良寅 一首

良寅字

缺

閩人

夜泊始興江口

繫纜荒山下挑燈細雨前客心共流水搖蕩不成眠

蔣世模

一首

世模字叔範江陰人

江行

晴沙漾漾見飛鳧隔浦帆檣乍有無身在江南望江北
接天秋水浸菰蒲

段

黼

一首

黼字黃甫曹州人有抱璞集

西郊

十里平原地青山遶碧林寒開烟雨色天遠鴈鴻心落
葉還蕭索浮雲自古今不妨乘暇日載酒數登臨

劉

權

一首

權字叔度休寧人有劉叔度詩集

讀宋史

六龍奔走竟何依
粵海舟航事已非
擽取灑陵無麥飯
不教行酒著青衣
身沉魚腹靈均死
血染鵑聲望帝歸
愁向厓山瞻王氣
寒濤終古蕩斜暉

姚旅一首

旅初名鼎梅字園客莆田人

詩話園客放浪湖海綴拾舊聞露書一編頗存軼事其評隲一時詩家遠比教器之近續王元美

山家

水盡重重客路山開處處人家粉壁斜銜落照朱簾半
卷桃花

魏之璜 一首

之璜字考叔上元人

訊程孺文

不得巢湖信時詢渡口居繞籬河路曲背郭草堂虛林
靜風驚犬溪喧晚聚漁主人游未倦閒殺半牀書

汪功曹 二首

功胄字介夫休寧人有介夫存橐

詩話介夫大呂之子善詩而
天存橐二卷大半學李長吉

春日閒居

韶景當春半閒居覽物華
綠分當戶竹紅過隔牆花
樵牧依林近溪山帶郭斜
閒身甘自放吟卧寄烟霞

樵舍

烟火隱茅茨數家傍山麓
林深不見人丁丁聞伐木

金鑑一首

鑑字用衡鄞人有桂莊橐

贈同谷山人

太白之陽有同谷同谷之中白雲宿美人結廬谷口居
朝朝暮暮雲相逐我來問君君不言雲裏長鑱種黃獨

王授一首

授字子予江陰人

送常熟李瑞卿

柳暗花明春雨天鵝鳩聲裏一歸船相逢已是十年別

為問人生幾十年

黃習遠

一首

習遠字伯傳吳縣人有蕭蕭齋

寄朱宸卿

與君同里閨只隔數家居無日不相見有時還寄書開
尊呼共飲得句問何如自作長干客別來三月餘

高文祺

一首

文祺字壽承廣信人

自君之出矣

自君之出矣不種相思樹思君如春草多在無人處

吳邦達 一首

邦達字非聞休寧縣學生

江樓送別

把袂層樓上虛牕四望平柳烟邨外市花雨驛邊城東
去潮千里南歸客幾程當歸愁欲別津樹重含情

潘鏞 一首

鋪字聲遠江陰人

寄懷

孤燈一點照書龕
離思沉沉睡正酣
無那角聲吹落月
夢魂飛不到江南

張 儲一首

儲字明用新建諸生

聞鴈

孤鴈來何處
殘聲靜夜飄
江空音淅淅
雲重影蕭蕭
慣

向風前急偏從聽處遙秦川織錦婦掩淚憶征遼

周應辰 一首

應辰字斗文鄞縣學生有綠莊詩采

詩話綠莊游鄞南阜之門南阜問曰使周生為仲尼弟子將誰學對曰某小人願學樊須聞者以為善於說辭聞人林古度序其詩稱其色古而骨堅

古詩

行行重行行夕陽在崦嵫暮鳥有倦翼寒木無榮枝少壯不逢年垂老誰見知

朱純元一首

純元字二芑溧陽人

東溪港

十二街頭跡已賒
草堂低占白鷗沙
武陵此去無多路
灤水西來第幾家
野岸綠蕪飛燕子
汀洲紅雨落桃花
滄浪不洗塵埃耳
只許漁郎泊釣槎

吳宗儒二首

宗儒字次魯休寧人有巢雲集

游黃山

九月秋氣高抗策恣游眺天都陟崔嵬洞門入窈窕緩
行憩松根徙倚臨霞嶠探竒壑轉深攬勝景逾妙山蹊
縈以紆石壁陟而峭瀑布挂晴川懸厓迴夕照地與仙
境俱凌厲討佳要孫阮予非倫於焉學長嘯

春夜錢塘江行

小艇發江干入夜東風起帶雨挂輕帆西行三百里

劉時中一首

時中字伯庸休寧縣學生

有客

有客問烟蘿山家在何處笑指碧溪頭遙遙踏花去

虞伯龍 一首

伯龍字公普鄞人有擔簦集

舟中

寥落明州客孤懷寄短篷江豚偏狎浪舟子但呼風歸
夢隨流水鄉書問去鴻不知今夜月千里可相同

沈木一首

木字子喬嘉興人萬厯間縣學生有近竹豪

詩話子喬自號靜得逸人夜起一詩具臻佳境

夜起

暑夜不成寐起步中庭中殘月忽墮水明河猶在空籬
根滴清露樹杪生微風坐爰新涼好先秋有候蟲

傅邦柱一首

邦柱字石卿金華人

雜詠

鸚鵡多巧慧交交調好音翻飛嘉樹杪毛羽殊衆禽一
旦遭量罰萬里辭故岑彩絲絀紺趾雕籠照翠衿徘徊
當簾幕聰慧增苦心驚斯微以陋提提蓬蒿陰

鄧秉貞

一首

秉貞字子坦宜興人有禹笑齋詩安隱集

嚴子陵釣壇

經過百世見清風爭羨羊裘一老翁不有雲臺諸將力

釣壇亦在戰爭中

徐電發云自有雲臺爭此釣臺高之句作此題者陳陳相因得予坦一詩

稍開生面

孫元孚 一首

元孚字

缺

休寧人有滄洲草

草市夜泊

違家才一舍露宿尚河洲
暝霧連汀白寒雲壓水流
灘聲鳴野碓燈影隔鄰舟
入夜霜風急淒清動客愁

吳

鶴 一首

鶴字

缺

烏程人

望潤卿弟

仲月辭家日臨岐接汝書相傳及春暮應得返衡廬
衣逐客程換花隨驛路疎來帆遙數盡不見愴何如

王

壑一首

壑字巽父金壇人有旅言

南安道中

疊疊青山曲曲溪湍流活活雨淒淒孤舟日暮南來客

恨殺鷓鴣相向啼

戎玠二首

玠字孟常鄞縣學生有蜀游草

晚霽與客登浩然樓眺錢塘江

晴色開邨樹危樓俯大江潮聲翻絕岸帆影落虛牕水
與遙天合人同夕鳥雙茫茫百端集形影若為降

泊巴東

昔行指川北今始詣巴東山縣無重郭江天有斷虹亂

峰雲欲暝官渡火初紅剪燭供清話蕭蕭暮雨中

趙雲蒸 一首

雲蒸字龍伯太倉人國子監生有世藝齋橐

北上

飛沙如雪晝茫茫始覺長安道路長遙憶小樓臨水曲
八牕風日正虛涼

顧孟林 一首

孟林字山甫吳縣人

寄陸纂父

日日看山色知君在此中
祇因一水隔難以尺書通
白乳思林屋青霞記石公
儻然乘興去相見對秋風

丁雲鵬

一首

雲鵬字南羽休寧人有丁南羽集

詩話南羽工畫其寫神王羅漢骨氣
奇偉不減大小尉遲詩特具體而已

舟次尤溪

客程迷水國山靄護城闌
歲涉三冬暮花先十月春
魚

鹽通海販橘柚落園珍故舊頻勞慰荒塗未厭貧

方于魯 二首

于魯初名大淑後以字行改字建元歛布衣有

佳日樓詩集

梅季豹云建元詩有唐風屠緯真云建元尊函叟而詩不盡稟函

叟

詩話古人製墨率用松烟漢取諸扶風晉取諸

廬山唐則易州上黨自李超徙歛張谷徙黔皆

世其業其後耿仁遂高慶和戴彥衡吳滋胡智

率多歛人明則羅文龍少華邵克已格之程大

約君房輩咸以製墨稱而于魯所製最夥上自

符璽圭璧下至雜珮凡三百八十五式刊成圖

譜曾上呈乙覽所造雲箋匪止成都十樣膏以
百花香露和墨自作長歌世但目為墨工然汪
伯玉曾招之
入豐干社

送張山人歸越

雉子斑斑麥正齊黃梅四月雨淒淒新安江上攜尊酒
送爾看山到浙西

璞石席上作

十年不慣出家門千里來逢故舊存正值江干春未晚
萋萋荻笋煮河豚

向

杰 二首

杰號培竹慈谿人

題畫

雨過迴塘水亂流
汕魚人去櫂孤舟
荻花楓葉寒江外
獨鶴一聲霜滿樓

寄羽士

幾欲尋真未得閒
白雲堆裏望玄關
煩君多養雪色鹿
借我來時騎看山

明詩綜卷六十九

欽定四庫全書

明詩綜卷七十

翰林院檢討朱彝尊編

錢允治

九首

允治初名府後以字行更字功父長洲人穀子
有少室先生集

靜志居詩話功父勤於
汲古詩篇特勝乃翁

題寒林鍾馗圖

千林木落歲欲更雪深雲黑啼鼯鼯耗鬼爭出噉人食
南山老翁知姓名袖中三尺秋水清攝衣潛向林中行
一時妖孽屏跡盡喘息不敢低出聲只今如何復縱橫
盤踞津要如堅城那得老翁利雙精磔裂血肉藏鉗罟
坐使天路平如衡郊原林木連理生麒麟鳳皇兆太平
春臺熙熙日月明

春暮治平寺

經年不到湖上寺今日偶停山下舟碧山老僧往何許

紫薇舍人碑尚留樹杪忽驚湖在眼
山坳却喜塢當頭
藤花開徧竹迸笋惜別步步空含愁

茱萸灣

吳王渚運
壘舊河

茱萸灣頭雨乍晴廣陵城北田方耕
小艇出港白木濕
高樓開牕玉腕橫細草漠漠天際遠
一水漾漾船邊清
客來空舉舊時話岸上垂楊蟬忽鳴

同汪魯二將軍登寶山看海

地軸東虧接混茫空明何處是扶桑
青山一點孤城黑

碧月半輪殘照黃橫海樓船天漠漠隔沙烟樹水蒼蒼
野夫却喜狼烽息醉飲將軍寶纛旁

送謝友可守順慶

五馬翩翩向益州三巴風景句中收天邊山色隨人轉
樹裏江聲繞郭流諭蜀有時還草檄籌邊無釁亦登樓
故交零落雙魚遠別酒殷勤勸不休

聞柳

一宿齋頭馬遂西秋風紫塞陣雲低黃鬚未學鮮卑語

丹竈誰封太乙泥。此去可經藏甲鴈。何時重過浣花溪。
宵來明月殷勤照。霜落軍城聽鼓鼙。

喜汪伯耳自桂林歸見過

金雞未放詎言歸。細雨衡門忽款扉。萬死可憐惟舌在。
一官寧論與心違。藤江瘴癘人行少。桂嶺風烟客住稀。
相見祇疑如夢裏。濁醪不醉淚沾衣。

寧夏兵變十韻次馬雲卿

要地鄰降帳。邊人啟弄兵。一時虧廟算。萬里壞長城。股

削邊臣策艱難列較營自來愁債帥因此笑書生觀望
憂臣主安危係重輕變生元有兆事啟孰無名聲罪勞
天討知人荷聖明一夫懷憤發何日克期平紫塞消鳴
鏑彤庭罷請纓杞人東海上日日望澄清

楚江秋晚

揚帆指洞庭忽換君山柁日出清霜稀秋江月方墮

周履靖一首

履靖字逸之嘉興人有梅墟雜豪

詩話逸之夫婦能詩門內唱和鈔撮尺門廣牘
刊行亦好事者流蓋先寒山趙凡夫偕隱者

江上竹枝詞

夜來春雨溢春田江上蘼蕪遠接天赤脚漁娃晨入市
柳條帶雨串銀鱗

游及遠

四首

及遠字元封閩人有小竹林草

曉發九牧嶺

嘶馬促行役出門星月稀松風吹短鬢竹露濕練衣鑒

水秋容淨綠屋足力微鄉關今日盡愁對嶺雲飛

野鹿園雜詠

潭水瀏其清芙蓉亂紅影白鴈一聲秋蘆花明月冷

汝陽曉發

殘月挂高樹秋林生遠風淒涼千里色都入客心中

醉中辭竹軒宗侯

夜雨度花谿風花踏作泥惜花頻喚酒未得過城西

潘之恒

二首

之恒字景升歙人有金閭東游涉江諸集

聽錢二弟子馬生奏曲

鑒江侍女競雙聲半入吳城半越城總是西施歌舞地
江南何處不含情

春雨

流水浮香送畫船凌波何處不堪憐西來一片橫塘雨
淨洗花容分外妍

妻堅

五首

堅字子柔嘉定人貢生有吳歛小草

祁之柳二章分寄君實伯隅

祁之柳其葉油油自我送子于祁之洲佇立望之莫知
我愁豈不能言以寫綢繆我言斯永我心則憂乃如之
人洵美且修我之所臧人以為尤

祁之柳其葉爛爛自我送子于祁之畔佇立望之莫知
我怨豈不能言以寫嘔歎我言之長我心則亂乃如之人
洵美且燦人之所榮子以為患

巢湖

巢湖雖云險曠焉豁心胃於時雪初霽山高玉巖從衆
山亦邈迤拱揖相為容風帆頃刻過我目不得窮但見
連檣來橫亘若垣墉忽憶草昧初義師起從戎至今廖
與俞廟食崇元功奈何濡須塢紛紛鬬梟雄非無爪牙
士所攀非真龍信知聖人作萬象開晦蒙

登虎丘寺閣

茲山寶薈蔚能使流目迷高閣出樹顛連峰亘其西平

生山中客今來始攀躋浮圖勢更高登之憚層梯聊此
牕間眺已覺飛鳥低平疇帶曲水遙見來時蹊高下各
有適物理將無齊

答辰玉

憂來信無方奈何不自遣本無當世志食貧自黽勉生
人重嗣續吾後乃連蹇回思造物然有淚不令泣子意
吾能知浮雲有舒卷不然憂蒼生痛憤在儼淺我聞同
心人出處多異撰

吳夢暘 三首

夢暘字允兆歸安人有射堂詩鈔

詩話虞山錢受之謚嘉定程孟陽曰松圓詩老謂能照見古人心髓若親炙古人而得其指授歎為古末有新安閔景賢輯明布衣詩推歸安吳允兆為中興布衣之冠是皆阿其所好不顧千秋之公是公非以余觀二子之作以政則魯衛以風則曹檜陳詩者不廢斯幸矣

送張去華走哭汝陽王肩昌宮庶

君不見南州孺子辟不起一朝徒步走千里英雄但可輕浮名那可無心報知已張郎心事亦復然絮酒持將

哭泉裏自言不受他人知惟有汝陽王庶子出門滿路
吹蒺藜眼底誰為此人死更將肝膽何處明一片悲風
咽如水

送胡孟弼邑博之沅江

攜手情無極茫茫此別何一官猶俎豆滿地已干戈畏
路身難定騷人怨自多可堪寥落思木葉洞庭波

秋草

八月幽并百草黃還聞一曲奏清商關河今夜皆寒色

陵寢前朝但夕陽久客自然迷道路後時能不畏風霜
吳兒莫說漂零易未到邊頭古戰場

謝兆申一首

兆申字耳伯邵武人有謝耳伯全集

詩話晉江黃監丞明立序耳伯集稱其喜交異
人購異書撫異聞自墳典丘索經緯流略裨官
環語靡不甄錄交游既廣橐中囊半以佞佛半
以市書有三十來留僧舍已散佚予嘗入閩購
其手鈔張伯雨詩與世所傳者迥別惜乎三十
來者悉蕩為烟塵矣耳伯詩非不銳意法古奈
其辭鬱而不舒蓋耳伯踰嶺游吳首以詩文請
業於劉子威未免問道於盲宜其所就止此學

者擇師誠不
可不慎爾

別意

我行且登舟子莫徒離憂
眷眷戀我側去去難久留
歎息成參辰愁思不可抽
丈夫在四海譬彼水浮舟
聚散無定期感子敘綢繆

王野
三首

野字太古歛人有覺非齋詩
鑿餘豪

雨雪曲

大漠雪漫漫天風入箭瘢
平明沒馬足半夜折旌竿
疊鼓輦暗光添劒戟寒鐵衣三十萬誰不憶長安

寄叔祖仲房

燕趙歸來二十春
重遊吳楚白頭新
如今海內無知己
到處江山哭故人

征夫怨

黃雲白草沒燕山
百戰空存兩鬢斑
試問征夫三十萬
幾人生入玉門關

范

汭

十三首

汭字東生烏程人有范東生集

吳凝父云東生苦吟收視反聽

馳情結思不傍古不緣今一字未安寸心幾嘔蓋神於法者

姚園客云范東生詩如楊柳當

風嫋嫋有態意所不協張鬚怒目

韓子蘧云東生論詩不可一世誦誦詬訛及其苦吟收視

反聽思極宵冥多

清微簡遠之句

詩話東生詩才嫺雅如靈犀結佩可以辟塵方之孟陽允兆諸君覺尤騰拔

采蓮女

采蓮女采蓮涉溪水寧采田田葉采葉蓮有蕊莫采亭

亭花采花蓮無子

簡鄧遠游

日日何所待旁人應見猜油然碧草外獨上姑蘇臺西
子邈已去東風空自來茸茸桃李樹為問幾枝開

琴川夜泊懷孫齊之

野宿次鳬鷺青青荻笋齊潮痕隨月落山勢壓城低殘
夢風前柝歸心曙後雞還知高隱處只隔水東西

荆南送姚百雉還莆中

自蜀經三楚由吳下七閩到家君有日泥殺滯留人

盱江對月

新月出江干郵亭獨倚闌別家如昨日二十一回看

閩宮詞 二首

露華如水蘸宮牆紅豆花兼荔子香多少蛾眉閒待月
九龍帳底貯歸郎

四條絃上按新聲半是先皇手教成舊事內人誰敢洩
春來燕子不呼名

送一公還天界寺

江流汨汨樹層層
短笠空瓢去秣陵
依舊青山風雪裏
華門深掩一龕燈

荆溪

亂水聲中繫艇斜
月寒沽酒叩誰家
仙源咫尺不知處
紅葉吹來如落花

春日訊吳允兆

遠樹微波黯不分
闔閭城畔寄孤雲
春來儘有還鄉夢

除却青山便是君

仲冬

仲冬之交氣不齊桃花李花開滿溪行人認是二三月
祇少黃鸝枝上啼

遇俞獻父

與汝垂髫共里閭別來不省六年餘情知一見又成別
猶勝逢人數寄書

松陵舟中遲錢受之太史

幾家閒夜停機杼支枕蓬牕風許許吹盡蘋香不見人
繞塘寒月鷓鴣語

吳鼎芳

三首

鼎芳字凝父吳縣人後為僧名大香字唵藍居

烏程之霞幕山與范汭交有披襟唱和集

韓子
蘧云

東生苔座而倚寓吳門凝父吳人而栖禪苔上
東生好浮大白高談雄辯凝父丰神蘊藉恬淡
寡言其蹤跡雖
殊而論詩相若

靈峰山房夜起

寥寥青蓮宇起步夜方永蟲鳴四山秋鹿飲一潭靜圓
月當碧空孤塔立無影花落樹猶香竹深澗亦冷少焉
雲英散明星上高嶺

雨渡橫涇懷孫惟化

東風作冷石湖船節屆清明倍可憐一日客程偏遇雨
幾家茅屋不生烟野田水綠迷楊柳古廟花深出杜鵑
寂寞橫塘人去後吳姬歌舞自年年

北菴夜歸

欲暝未暝聞菴鐘出林入林辭遠公亂峰幾點白雲外
古路一條黃葉中版屋已高隔水月布帆正飽還山風
孤雛老樹自深夜襪襪突兀柴門東

吳

兆

十一首

兆字非熊休寧人有金陵廣陵姑蘇豫章諸豪

曹能始云非熊古詩學謝靈運沿及盧駱近體
學岑嘉州字句少實姚園客云吳非熊詩如

清猿夜嘯

斷續淒人

詩話非熊清而能麗綺而不靡
最見賞於石倉其風調亦相儷

阻風湖口登石鍾山作寄白下知己

川長已積勞風阻漸成疾離舟步少舒登山脰可引峰
垂似倒蓮石起如抽笋匯澤蕩無際潯江眺不盡烟含
楚岫微風送吳舫緊枝響山鳥聚葉密巖花隕渺渺春
目傷悄悄旅懷愍攘攘既獲譏栖栖亦負哂巖穴有遺
志寄我同心允

秋野閒行歸而有作

早穀已登場晚禾尚栖畝欣欣足慰饑望望非吾有荏

苒十年間蹉跎東西走結交吳楚士氣味少淳厚徒令
田園荒轉與琴書負歸來掩荆扉趨向寡親友日月忽
已除秋氣凋榆柳卒歲何寥寥涼風吹戶牖念往固已
遷嗟今將何守勗哉黔婁言斯志儻不苟

錄別

行舟權已駕斯須不相保弱子纔一齡就我懷中抱念
此傷人心皇皇何足道如何故鄉生不向故鄉老

春游曲

細雨濕春泥流鶯幾樹啼東風淮水曲落日長干西夾
道看馳馬圍場下鬪雞倡樓今夜醉月出管絃齊

西河子夜歌

新著杏紅衫試騎赭白馬馬驕堤路窄急為扶儂下

寄林古度

一與西湖別春風兩度來魯栖山寺裏日日待花開

登釣龍臺

秋色延高臺臺荒廟亦冷兩三樵牧兒投石試深井

姑蘇曲

寶帶橋邊鵲啄花金閨門外柳藏鴉吳姬卷幔看花笑
十日春晴不在家

暮春溪居

門前梧柳長新圍雨暗空林客到稀幾欲持竿溪上去
灘頭昨夜沒漁磯

秋思

蒹葭霜冷鴈初還歸夢如雲只戀山一夜潺湲西澗雨

夜來秋氣滿人間

送友人游燕

離筵別櫂暮江濱
紅樹青山映白蘋
一過江南風景異
兩行衰柳送行人

沈野 四首

野字從先吳縣人有卧雪閉戶燃枝榕城諸集

詩話從先賣藥吳門曹能始賞其詩延致石倉園題所居之室曰吳客軒寒食絕句云驚心芳艸上河橋雨後推牕見柳條厨下從來烟火少不知寒食是今朝最為詩人傳誦按孟雲卿云

貧居往往無烟火不獨明朝為子推
伍唐珪云慙媿四鄰教斷火不知廚裏久無烟則前人久已道之矣其樂府能盤硬語頗饒古意

短歌行

推絃拂柱歌我浩曲浩曲未歌腸中躑躅
河中有船不載客還尊中有酒不令客歡
世人結交安得常好他鄉寄食安得常飽
士貧者賤客久者貧不如歸去偕我故人

子夜歌

門有車馬客姊妹易衣裳儂有好顏色那在紅粉妝

團扇郎

皎皎合歡扇郎持贈所歡本欲圖親近翻掩桃花顏

邊詞

塞上風高獵馬稀天山六月雪花飛
閨人不解征人苦直到隆冬始寄衣

石 沆 一首

沆字瀝仲如皋人有白雲居士集

江門

何處春偏勝江門自好風
酒旗斜路口花信短牆東
多病一居士了鬟雙小童
題詩嵩雒去可是白家翁

秦鎬一首

鎬字京汝南諸生有頭責齋詩

詩話表小修序頭責齋詩有云今人字皆兩字而京字獨一字自東漢以下無之矣然自漢以降如顏之推字介李曇字雲劉乾字天暉靖字禮房玄齡字喬顏師古字籀張廵字廵孫晟字鳳李條徐倫字堅毛欽字傑正難悉數也

得顧朗生書

憶別如今日風霜歲五除
亂雲長短夢斷鴈有無
書江暖漁揚子原荒獵孟諸
相看衣帶隔獨立野躊躇

米雲卿五首

雲卿字君夢湖廣人或云汴人徙家蘭溪後徙
居歸安之埭山

詩話君夢晚寓吳興往來無定跡其撥悶詩云
十年湖上社雙屐迎東山有子癡難教無家老
不還後卒于埭山之枯木菴

詠荆卿

荆卿本神勇意遠度亦別酣飲燕市中歌哭以為節何
期燕太子瑩折來相結禮殊報應重義感心遂熱紅爐
淬匕首繻縷試人血秦庭計不諧易水無留轍天命不
可為劒術何巧拙

歲暮江行

江海迷津日冰霜卒歲時天昏歸鳥急川霽落帆遲故
國書空返窮塗道益卑坐來風雪變愁白鬢邊絲

澱水移家

移家東郭十年前東郭移家又十年忍割烟蘿還地主
笑驅雞犬下江船鵲鵲原上風偏急烏鵲枝頭月正圓
臨發不禁回首望并州桑梓自堪憐

秋柳二首

搖落天涯正此時蕭疎多見路旁枝一朝染露全無色
何處含烟尚有絲漢苑也應隨日短隋堤難道入秋遲
陰陰滿眼河山暮愁絕那堪帶雨垂

一夜西風那便凋他鄉何處不蕭蕭依稀有葉還無葉
搖落長條復短條難忘折來情脈脈更愁看去路迢迢
經過若問傷心地涼雨寒烟鎖灞橋

徐允祿 一首

允祿字汝廉蘇州嘉定學生有思勉齋詩編

詩話汝廉抗言持論具有
經世之術詩則非其所長

贈丁長孺中翰北上

浮雲滿天地君子意何如容容不可為矯矯亦多虞長

路自此始願言遵康衢安得執鞭弭從子以前驅

商家梅 一首

家梅字孟和閩縣人

得家書

忽見平安字封題是老親自驚為客久不敢述家貧松
菊縱多故路塗惟一身臨風應不盡還問寄書人

宋 珏 一首

珏字比玉莆田人國子監生有遺橐

泊皖城三日懷白下故人

城依碎石岸依沙行遍城南之酒家日暮客愁如白下
荻花風起似楊花

徐

勔 十二首

勔初字惟起更字興公閩縣人有鼇峰集

南損齋云

興公聚書至數萬卷所居鼇峰麓客從竹間入
環堵蕭然而牙籤四圍縹緗之富卿侯不能敵
也其考據精覈詩自樂府
歌行及近體無所不備

詩話嚴儀卿論詩謂詩有別才非關學也其言
似是而實非不學牆面焉能作詩自公安竟陵

派行空疎者得以藉口果爾則少陵何苦讀書
破萬卷乎興公藏書甚富近已散佚于嘗見其
遺籍大半點墨施鉛或題其端或跋其尾好學
若是故其詩典雅清穩屏去懶浮淺俚之習與
惟和足稱二難以此知興觀羣怨必學者而後
工今有稱詩者問以七略四部茫然如墮雲霧
顧好坐壇坫說詩
其亦不自量矣

感秋

朝出北邙山夜歸北邙路北邙草芊芊累累總丘墓傷
哉九泉人一去無回顧往者既如斯來者復如故知愚
雖異類墮骨只數步貧賤何足悲富貴何足慕寄語賢

哲士令名自當務

投宿山家

清流抱孤邨秋意澹林木水急衝板橋山空響飛瀑殘
葉水邊黃危峰天際綠日暮何處歸人烟在修竹

送黃伯寵之秣陵

我從白門歸君從白門去去轍與歸輪相逢不相聚窮
冬百卉腓遊子遵長路黯黯鍾山雲蕭蕭秣陵樹峨峨
石頭城渺渺秦淮渡千里涉風波孤身犯霜露送子感

昔游勝事今成故離情不可緩慎毋乖尺素

送人臨邊

征馬嘶長路西山日欲斜送君臨絕域萬里盡風沙朔氣摧秋草邊霜慘暮笳懸知榆塞上定憶故園花

宿界亭驛

兩月歌行役奔馳倦不勝澗多民病涉山疊客愁登百草嚴霜殺孤亭驟雨崩五溪蠻地近明發到沅陵

驛樓送惟和兄北遊

夜靜江空欲上潮
榜人催喚解蘭橈
離腸禁得幾回斷
別夢不辭千里遙
沙起交河陰漠漠
風吹易水冷蕭蕭
關山迢遞何時盡
此是他鄉第一宵

送康元龍之靈武

黃河官路黑山程
羌笛橫吹漢月明
漠北烽烟三里寨
隴西鼙鼓十年兵
燕鴻度塞寒無影
代馬行沙暗有聲
後夜思君勞遠夢
朔風吹過白登城

送沈廣文擢德清令

新懸墨綬謝青氊仙令栽花向雪川處處勸耕黃稻雨
邨邨收繭綠桑烟官清但飲雙溪水吏散閒尋半月泉
莫戀彈琴寬賦稅司農方急水衡錢

樵夫祠

十萬王師盡倒戈秣陵非復漢山河一時總逐新纓冕
何處能容舊斧柯莫考姓名垂竹帛空留靈爽在烟蘿
荒祠近對秦淮水誰與招魂賦九歌

宮人斜

空山冥漠夜沉沉多少芳魂不可尋
莫怨埋香在黃土
長門深比墓門深

田園雜興

春流一夜水平堤
菱葉縱橫荇帶齊
分付兒童須愛惜
莫驅鵝鴨浴前溪

寄家兄書

年荒八口苦饑寒
門戶支持事事難
藥債未還官稅迫
封題空自報平安

汪逸 二首

逸字遺民休寧人有逋屋吟

詩話遺民與馬時良仲良倡和里人目為筆屋詩老

蘧公池上

園經一雨再雨水接西邨北邨牧子驅牛避道僧雛讓

鶴鷹門

丹陽道中別芳生

風過重陽易作寒去來俱泊此河干無端別路舟車異

一日楓林不共看

徐應雷

一首

應雷字聲遠吳縣人有白毫集

丁長孺云聲遠詩本自然以率

真見

平澹

寄陸純孫

神魚樂深淵奚必易水潯威鳳集高岡奚必燕山岑登
臺眺大江蒼蒼楓樹林眷言懷吾友忼慨為悲吟鴻鴈
日南飛助我厲商音悲哉歲將晏況此天涯心

董斯張 十二首

斯張字遐周烏程人國子監生有靜嘯齋集

韓人

穀云先生泛覽百家旁窮二氏伐山網海洵不
世之才詩與年力相長不以風雨輟其音難與
吳喉楚舌
同年而語

詩話遐周初學詩於趙廣業及入閩心折曹能
始歸與吳允兆王亦房酬和是時公安景陵派
盛行浙西風氣不盡移易遐周洽聞周見與吾
郡沈景倩略同詩亦相似嘗以所作投前守吳
李騶季騶寓書韓求仲云在郡兩年不識有董
生吳興守眼可挾也近得渠見贈詩如飛天仙
人不著一烟火
字其傾倒若是

補昭人歌

人而無禮兮良足歎不見山中之狺狺口可以食亦可
以言

讀曲歌 二首

儂如一絃琴獨絲纏相交歡如雙耳鼓慮為他人搖
十日不窺牖後園花放齊薔薇刺儂衣蚺蝶投儂懷

過桐江

薄暮樵歌聲看山不計程江晴船作市地僻縣無城蜃

氣連虹暗龍腥雜霧生釣臺猶可望緩楫未須行

旅宿

亂山行未盡落照一溪斜畏客前峰虎投人暝樹鴉已
知魚罷市數問酒誰家計日新安路應餐白岳霞

山中偶作

秋草長於人小鳥時出入但聞樵者歌不見行人跡

夜泛西湖

放櫂西湖月滿衣千山暈碧秋烟微二更水鳥不知宿

還向望湖亭上飛

梅谿

雲似魚鱗壓市低
竹簾載笋出梅溪
逢人閒問崑山路
葛嶺西頭更向西

葛鵲作

笋鞭橫出欲穿籬
松子纔生鼠不知
細雨一林山鬼語
白鷗浴起葛公池

初夏

楊柳陰濃曳碧烟一溪不雨不晴天水樓處處凭紅袖
吳下新來茉莉船

薛岡 三首

岡字千仞鄞人有天爵堂集

黃心甫云千仞篇中多用恒言蹟之

不厭由其氣老

李果堂云千仞年八十集其

平生元旦除夕詩為一卷起萬歷庚辰至崇禎

庚辰身為太平詞客六十

年名重天下亦盛事也

彭城寇 二首

幸作六帝民賢聖歷在宥身老桑柘間不知有格鬪戈

戟何忽焉一朝易俎豆郡盜既蠡起朝廷重介冑欲以
殺止殺血流汚宇宙借問宇宙中何民弗從寇民志如
奔湍撫我斯共后乃信吏政苛不在猛虎後堂上鮮蒲
鞭溝邊餘老幼何況臨刀俎提兵肯相救

髭齡苦行役况丁金革中艱難費輪楫弔古躋雲龍賊
至自淮南所過州里空頓兵桃山下意在窺二東洪河
不得濟賊計良已窮一旅僮躡後殲殪微遺蹤乃計不
此出妖蛟縱故宮清夜坐岑樓浩浩聞北風南山助烈

火天地為之紅國家養貔貅恃以戢狂鋒狂鋒不能戢
其誰恕乃躬無庸姦宄患所患求英雄道路有萬目看
敘賊退功

華清宮

繡嶺出烟邨宸游跡尚存離宮何處是流水至今溫輦
路年深廢峰巒幸後尊空餘一片月猶似照朱門

顧同應 一首

同應字仲從崑山人庶子紹芳之子承蔭入國

子監有葯房秋嘯二集

王平仲云仲從詩辭意遠有白雲自出山泉

冷然之致

秋塞曲

寒星散落角聲哀紫塞秋高鴈字迴昨夜軍前占殺氣
羽書飛過赫連臺

唐汝詢二首

汝詢字仲言松江華亭人有編蓬集

詩話詩人形累者孫伯融跛偶武孟張節之謝茂秦眇祝希哲枝指何仲默禿筭其他不可悉

數至唐仲言無目李公起口啞耳聾雨
君乃能勤於箋述不廢吟咏是難能也

夜別陸長倩

悵別高樓酒易醒
坐聞落葉滿沙汀
春來儻憶同游地
無限垂楊夢裏青

留別沈茂之

風雅翩翩自不羣
榮華入目總浮雲
江湖此去無知己
蚤晚移家欲就君


李 垞 一首

竣字公起鄞人有盟鷗集

詩話公起御史尚默之子生而耳聾十齡聞父
訃號哭五晝夜遂瘖嘗於先世遺書縱觀之上
自國家典故名公鉅卿前言往行下及器物之
微靡不諳其本末候官曹能始合華亭唐仲言
作二異人傳一以耳治一以目治咸不惑於公
安景陵之說世之號為詩家者反不如瘖聾之
指麾矣

山陰晚泊

落日山陰道孤舟帶遠汀秋林紅葉重夕浦黑風腥客
夢碁前斷漁歌鏡裏聽來朝餘興在何處訪蘭亭



明詩綜卷七十